



საქართველოს მთავრობის დადგენილება

N 469 2019 წლის 27 სექტემბერი ქ. თბილისი

„საქართველოს დროშის ქვეშ მცურავი გემებისა და საქართველოს ნავსადგურების უშიშროების წესის“ დამტკიცების შესახებ“ საქართველოს მთავრობის 2018 წლის 31 დეკემბრის №685 დადგენილებაში ცვლილების შეტანის თაობაზე

მუხლი 1. „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „საქართველოს დროშის ქვეშ მცურავი გემებისა და საქართველოს ნავსადგურების უშიშროების წესის“ დამტკიცების შესახებ“ საქართველოს მთავრობის 2018 წლის 31 დეკემბრის №685 დადგენილებაში (www.matsne.gov.ge, 31/12/2018, 400010020.10.003.021001) შეტანილ იქნეს ცვლილება და დადგენილებით დამტკიცებულ „საქართველოს დროშის ქვეშ მცურავი გემებისა და საქართველოს ნავსადგურების უშიშროების წესის“ 48-ე მუხლის პირველი პუნქტი ჩამოყალიბდეს შემდეგი რედაქციით:

„1. ნავსადგურის ტერიტორიაზე შემავალი ყველა ავტოსატრანსპორტო საშუალება, გარდა აღმასრულებელი ხელისუფლების

შესაბამისი უწყებების კუთვნილი სამსახურებრივი ავტოსატრანსპორტო საშუალებებისა, ექვემდებარება შემოწმებას სააგენტოს მიერ დამტკიცებულ უშიშროების გეგმაში მითითებული პროცედურების შესაბამისად. ნავსადგურის ტერიტორიაზე შესვლაზე პასუხისმგებელი პირის მიერ გონივრული ვარაუდის ან სხვა სახის ისეთი ინფორმაციის არსებობისას, რომლის საფუძველზე შესაძლებელია საფრთხე შეექმნას ნავსადგურის უშიშროებას, უნდა განხორციელდეს ავტოსატრანსპორტო საშუალების გადაყვანა სპეციალურად გამოყოფილ ადგილას და დამატებითი შემოწმება. უნდა შემოწმდეს, სულ მცირე, შემდეგი ზონები:

- ა) კარების პანელები;
- ბ) მზისგან დამცავები;
- გ) სახელთათმანე და სხვა სათავსები;
- დ) უკანა, წინა სავარძლები და სავარძლის ჯიბეები;
- ე) სივრცე სავარძლების ქვეშ;
- ვ) ძარას იატაკზე ფეხებისთვის არსებული შეღრმავებები;
- ზ) საბარგული;
- თ) საბურავის ზედა თალი;
- ი) ძრავას ნაკვეთური.

შენიშვნა: აგრეთვე სარკიტა და ფარნით უნდა შემოწმდეს ავტოსატრანსპორტო საშუალების ძარას (სადაც თვალი ვერ სწვდება) ქვედა ნაწილი და ძრავა.“.

მუხლი 2. დადგენილება ამოქმედდეს გამოქვეყნებისთანავე.

პრემიერ-მინისტრი



გიორგი გახარია